



Халқ сўзи

Ўзбекистон —
келажаги
буюк
давлат

2025 йил — АТРОФ-МУҲИТНИ АСРАШ ВА «ЯШИЛ» ИҚТИСОДИЁТ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2025 йил 8 январь, № 4 (8899)

Чоршанба

Сайтимизга ўтиш учун QR-кодни телефонингиз орқали сканер қилинг.



ВАТАННИ УЛУҒЛАШ САОДАТИ



Сарҳисоб



Кейинги йилларда янги Ўзбекистонда спорт сиёсат даражасига кўтарилди. Ўтган йилларда Президентимизнинг спортга доир 10 дан ортиқ Фармон ва қарорлари, Вазирлар Маҳкамасининг 100 га яқин меъёрий-ҳуқуқий ҳужжатлари қабул қилинди. Ўзбек футболга ҳар қачонгидан эътибор юқори бўлди. Айниқса, болалар футболни анча ривожланди.

2024 йили илк бора футбол бўйича олимпия терма жамоамиз Франциянинг Париж шаҳрида бўлиб

ўтган XXXIII ёзги Олимпия ўйинларида Ватанимиз шаънини муносиб ҳимоя қилди. Олимпия ўйинларида 206 та мамлакат орасида иштирок этган атлетларимиз 19 та спорт тури бўйича 90 нафар спортчи билан қатнашди. Мусобақани Ўзбекистон спорт делегацияси 5 та спорт туридан 8 та олтин, 2 та кумуш, 3 та бронза билан умумжамоа ҳисобида 13-ўринда яқунлади. Битта Олимпиадада саккизта олтин медални қўлга киритган юртимиз

спорт жамоаси Осиё қитъасида 4-ўринни, туркий ва ислом мамлакатлари ҳамда МДҲга аъзо давлатлар ўртасида 1-ўринни эгаллади.

Олимпиадада ўзбек футболчиларини қардош халқлар ҳам кузатиб борди. Ҳар бир футболчи астойдил ишқибозлик қилган мухлисларнинг ҳаяжонли ҳиссийётларини айтмайсиими?



Олий Мажлис Сенатида

ИШОНЧЛИ ҲИМОЯ КАФОЛАТЛАРИ

Олий Мажлис Сенатининг Суд-ҳуқуқ масалалари ва коррупцияга қарши курашиш қўмитаси мажлисида бир қатор қонунлар дастлабки тарзда муҳокама қилинди.

Унда сенаторлар, маҳаллий Кенгашлар доимий комиссиялари раислари, Ёшлар парламенти ҳамда қўмита ҳузурдаги экспертлар гуруҳи аъзолари, қонун ташаббускорлари, мутасадди вазирлик ва идоралар ҳамда оммавий ахборот воситалари вакиллари иштирок этди.

Жумладан, "Ўзбекистон Республикасининг айрим қонун ҳужжатларига шахснинг ҳуқуқ ва эркинликларини ишончли ҳимоя қилиш кафолатларини янада кучайтиришга қаратилган ўзгартириш ва қўшимчалар киритиш тўғрисида"ги қонун муҳокама этилди.

Барчамизга маълумки, мамлакатимизда амалга оширилаётган ислохотлар натижасида суд-тергов амалиётида инсоннинг ҳуқуқ ва эркинликларини ҳимоя қилиш кафолатларини таъминлашга қаратилган илгор ва самарали механизмлар йўлга қўйилмоқда. Мазкур қонун билан жиноят содир

этанликда айбланаётган шахснинг эркинлик ва шахсий дахлсизликка оид конституциявий ҳуқуқларини суд томонидан ишончли таъминлаш мақсадида жиноят ишлари бўйича туман, шаҳар судларида тергов судьяси лавозими жорий қилинмоқда.

Тергов судьялари томонидан жиноят ишлари бўйича судга қадар иш юритиш босқичида процессуал қарорларга санкция бериш ва маъмурий ҳуқуқбузарликлар тўғрисидаги ишларни кўриб чиқиш масалаларини қонунчиликда белгилаш учун ўз ваколатлари жумласига киритилган вазифаларни бажариш асослари ҳамда тартибини назарда тутувчи ўзгартириш ва қўшимчалар киритилмоқда. Муҳокама давомида сенаторлар қонуннинг қабул қилиниши тергов фаолиятида шахснинг ҳуқуқ ва эркинликларини ишончли ҳимоялаш кафолатларини янада кучайтиришга йўл очишини таъкидлади.



Олий Мажлис Қонунчилик палатасида

ДЕПУТАТЛАР КОРПУСИНING ТАШАББУСКОРЛИГИ ВА ФАОЛЛИГИ — УСТУВОР МАҚСАД

Олий Мажлис Қонунчилик палатасининг навбатдаги мажлиси бўлиб ўтди. Унга раислик қилувчи қўйи палата Спикери ўринбосари Раҳим Ҳақимов мамлакатимиз ижтимоий-сиёсий ҳаётидаги муҳим жараёнларга тўхталиб ўтди. Президентимизнинг Янги йил байрами муносабати билан Ўзбекистон халқига йўллаган табригида халқимизнинг фидокорона меҳнати, сиёсий, ижтимоий фаоллиги алоҳида эътироф этилганини таъкидлади. Шунингдек, давлатимиз раҳбари иштирокда шу йил 3 январь куни бўлиб ўтган мажлисда мамлакатимизнинг Давлат бюджетига оид масала кўриб чиқилгани, депутатлар бюджет ижросини назорат қилишга алоҳида эътибор қаратиши кераклиги қайд этилди.

Мамлакатимиз раҳбарининг Олий Мажлис палаталарининг ўтган йил 18 — 20-январь кунлари бўлиб ўтган мажлисларидаги нутқларида белгиланган устувор вазифаларни амалга ошириш бўйича Қонунчилик палатасининг Ҳаракатлар дастури тасдиқлангани, қўйи палата бу йилги фаолиятида Президентимиз ташаббусларини биринчи галдаги вазифалари сифатида белгилаб, уларни оғишмай амалга ошириши лозимлиги айтиб ўтилди. Айни чоғда бу депутатлар корпусидан катта масъулият билан ишлаш,

сайловчилар манфаатларини таъминлаш борасида янада ташаббускор бўлиш талаб этилиши лозимлигига эътибор қаратилди.

Мажлисида кун тартибидан ўрин олган ўнга яқин, жумладан, ер участкаларидан фойдаланиш тартибини янада такомиллаштириш, суд ҳужжатлари ва бошқа органлар ҳужжатларини ижро этиш тизимини мукамаллаштириш, электрон сигареталар муомаласини тақиқлаш, қишлоқ ҳўжалиги таваккалчиликларини суғурта қилишга қаратилган қонун лойиҳалари аτροφлича кўриб чиқилди.



ҚУЁШГА ЮЗ ТУТИБ, ШАМОЛНИ ИЗМИГА СОЛГАН ЮРТ

Муқобил энергия



Мамлакатимизнинг иқтисодий ўсиш ва демография динамикаси электр энергиясига бўлган талабнинг йилига 6-7 фоиз ортишига олиб келмоқда. Бу борада углеводородли энергия ресурслари ўринини муқобил манбалар билан қоплаш муаммонинг ягона ечимидир. Зотан, юртимиз осмонда қуёш тўрт фаслда чарақлаб, бепоеён кенгликларимизда шамол безавол эсаркан, бундан самарали фойдаланишни йўлга қўйиш ҳаёт-мамонт масаласи, десак, муболага бўлмайди.

Дастлабки ҳисоб-китобларга кўра мамлакатимизда электр энергиясига бўлган эҳтиёжнинг 90 фоиздан ошқироғини қуёш, шамол ва кичик гидроэлектр қувватлари ёрдамида қаноатлантириш имконияти мавжуд. Шу боис "Ўзбекистон — 2030" стратегиясининг 51-мақсадда "яшил" иқтисодиётга ўтиш, унинг асоси бўлган қайта тикланувчи энергиядан фойдаланиш кўрсаткичларини кескин оширишга оид вазифалар белгилаб берилган. 2030 йилга бориб қайта тикланувчи энергия манбаларини 25 минг мегаваттга, жами истеъмолдаги улушини эса 54 фоизга етказиш кўзда тутилган.

Аслида қайта тикланадиган энергияни жадал ривожлантиришни таъминлаш, энергия ишлаб чиқариш манбаларини диверсификациялаш, шунингдек, электр энергия тармоғига тўғридан-тўғри хорижий ин-

вестицияларни жалб этишга анча илгарироқ киришилган. Давлатимиз раҳбари ўз фаолиятининг дастлабки кунларидаёқ муқобил энергия манбаларидан фойдаланиш кўламини кенгайтириш вазифаларини устувор белгилаб, 2018 йилнинг 15 — 17 май кунлари АҚШга ташрифи доирасида Жаҳон банки гуруҳига кирувчи Халқаро молиявий корпорация билан келишувларга эришган эди. Шу асосда Навоий вилоятида қуввати 100 МВтга тенг биринчи қуёш фотозлектр станцияси бунёд этилиб фойдаланишга топширилди. Шундан буён турли ҳудудларда умумий қиймати 1,9 ГВтга тенг 9 та қуёш электр станцияси ишга туширилиб, тармоққа электр энергияси узатиш йўлга қўйилди.

Яқинда Президентимиз томонидан қиймати 7,2 млрд. АҚШ долларлик, қуввати 4,4 ГВт бўлган 24 та лойиҳа, жумла-

дан 3,7 млрд. долларлик 18 та янги қувват ишга туширилиб, навбатдаги 6 та лойиҳа курилишига старт берилди. Ушбу янги лойиҳалар туфайли яқин истиқболда қўшимча 9,5 млрд. кВт-соат электр энергияси ишлаб чиқаришга эришилиб, 2,5 млрд. кубометр табиий газ тежаллади, 4,6 млн. тонна зарарли газлар қишчининг олди олинади. Бошқача айтганда, мамлакатимиздаги хонадонлардан қарийб қирқ фоизининг тоза электр энергияси билан барқарор таъминланишига эришиш оқибати иқтисодиётнинг турли тармоқларида қарийб 4 млрд. долларлик қўшилган қиймат яратиш имконига эга бўлаемиз. Яъни мамлакатимизда жорий йилда жами 84 млрд. кВт-соат электр энергияси ишлаб чиқарилади. Бу — 2016 йилдагига нисбатан 25 млрд. киловатт-соат ёки 1,5 баробар кўп демек.



